

Ա.ՍԱՖԱՐՅԱՆ, Ա.ՍՈՂՈՄՈՆՅԱՆ, Թուրքերենի դասագիրք, գիրք Առաջին, «Արտագերս» հրատ., Ե., 2001. 320 էջ:

Երևանի պետական Համալսարանում մեծ Հայագետ և արևելագետ Հրայր Աճառյանի անմիջական նախաձեռնությամբ, սկսած 1940-ական թվականներից դասավանդվում է թուրքերեն լեզուն: Տասնամյակներ շարունակ թուրքերենի դասավանդման Համար օգտագործվել են առավելապես ռուսերեն, իսկ վերջին տարիներին նաև թուրքերեն տարաբնույթ դասագրքեր և ձեռնարկներ: Իսկ այժմ լույս է ընծայվել և ճիշտ ժամանակին՝ ԵՊՀ թուրքագիտության ամբիոնի վարիչ Ալեքսանդր Սաֆարյանի և նույն ամբիոնի դասախոս Աշոտ Սողոմոնյանի բազմամյա Համագործակցության շնորհիվ ստեղծված «Թուրքերենի դասագիրք», որը երաշխավորվել է ՀՀ Կրթության և գիտության նախարարության կողմից՝ որպես դասագիրք բուհերի ուսանողների և թուրքերենը ուսումնասիրող այլ անձանց Համար:

Գրախոսվող դասագիրքը կարևոր նշանակություն ունի Հայ թուրքագիտության Համար: Այն ունի զգալիորեն մշակված ու Համակարգված կառուցվածք և ներառում է 15 դաս, որոնցից յուրաքանչյուրում ներկայացվում են տեղեկատվություն ժամանակակից թուրքերենի Հնչյունական, քերականական, բառալին Համակարգերի մասին, վարժություններ, Համապատասխան տեքստեր, առածներ և ասացվածքներ: Դասագիրքը ներառում է նաև թուրք բանաստեղծներ Յունուս էմբեի, Ջիյա Գյոքալփի, ԱՀմեթ Մուհիփ Դրանասի, Ջելալ Սահիրի բանաստեղծությունները: Այն կազմելիս Հաչվի են առնվել Հայ ուսանողներին թուրքերեն դասավանդելու առանձնահատկությունները:

Դասագրքին կցված է թուրքերեն-Հայերեն լեզվաբանական գիտարտերի բառարան, շուրջ 5000 բառ ու բառակապակցություն ընդգրկող ուսումնական բառարան, ինչպես նաև արդի թուրքերենում առավել գործածական Հապավումների բառարան: Հատկանշական է, որ երեք բառարանն էլ նորույթ են արևելահայ իրականության մեջ:

Դասագրքի ստեղծումը կարևորվում է թե գիտամանկավարժական, թե Հասարակական ու դործնական տեսանկյուններից, ուստի զարմանալի չէ, որ դասագրքի Հրատարակության առթիվ բազմաթիվ դրական գրախոսություններ արդեն իսկ տպագրվել են Հայաստանյան և պոլսահայ մի շարք պարբերականներում (տե՛ս «Ժամանակ», 27.10.2001թ., «Երկիր», 05.12.2001թ., «Ազգ», 13.02.2002թ., «AGOS», 16.11.2001թ. և այլն):

Միաժամանակ, գրքի երկրորդ լրամշակված Հրատարակությունը բարելավելու միտումով Հեղինակներին կարող ենք անել Հետևյալ դիտողությունները և առաջարկները.

1. Նպատակահարմար է դասագիրքը էլ ավելի Հարստացնել թուրքական մամուլից ու գեղարվեստական գրականությունից վերցրած նոր տեքստերով:

2. Հարկ է ընդալայնել դասագրքին կցված ուսումնական բառարանի բառերի ու բառակապակցությունների քանակը մինչև 6000 - 6500-ը, ինչը զբալիորեն կընդլայնի բառարանի կիրառությունը:

3. Պետք է շտկվեն գրքում տեղ գտած առանձին տեխնիկական (Հատկապես Համակարգչային շարվածքի Հետ կապված) վրիպակները:

4. Անհրաժեշտ է դասագիրքը վերահրատարակել սուսվել ընթեռնակի շարվածքով:

Պետք է զրկատանքի խոսք ասել դասագրքի հեղինակներ Ալ.Սաֆարյանին և Ա.Սողոմոնյանին, ինչպես նաև խմբագիր, պրոֆեսոր Գուռնիկ Ասատրյանին և ԵՊՀ Արևելագիտության ֆակուլտետի ղեկան ու ճանաչված բարեգործ Գուրգեն Մելիքյանին՝ «Թուրքերենի դասագրքի» ստեղծմանը մեծապես աջակցելու համար:

Դասագիրքը, հիրավի, կարող է զգալիորեն խթանել թուրքերեն լեզվի դասավանդման դործնաթացը ՀՀ տարբեր բուհերում ու միջնակարգ հաստատություններում, ինչպես նաև օգտակար լինել թուրքերենն ինքնուրույն սովորողներին:

Ս.Կ.ԲԱՂԴԱՍԱՐՅԱՆ

Պատմական գիտությունների թեկնածու